

„Sankt Martin“ jespillt

E Stöörtche op Zesse Platt

Gerhard Hilger

Ech sein jo at seit Johre dran, Stöckelche onn Stöörtche op Zesse Platt ze sammele. Su hann ech dann och jetz anjefange, alhe Zes-sene Leut ze besöcke onn lohsen mir dann von denn jätt von frühe vezelle, bat ech met em Opnahmejerät fassshahlen. Anjefange hann ech bei Hillejeh Jerrad (Gerhard Hilger † 2012), den vill Leut noch kennen, weil er johrelang bei der Brohltalbahn als Busfahrer wo'e onn vielleicht den Ähn oder die Anne von Ösch noch op de Schull no Ahrweiler jefahre hätt. Der hätt me dann vezellt, bie se mohl St. Martin jespillt hann. (Willi Fuhrmann)

Mei Motte wor Hebamm, die wo'e jo dann vill fott, on mein Vatte wo'e och de janze Daach onne en Brohl. Deshalb hatt ech dann daachs-üwwe vill Freizeit für allehannt Denge ausze-hecke. De Fuchse Euch (Eugen), der wo'e zwar drei Johe ähle bi ech, onn Wolefs Kaahl, zwäh Johe ähle, mir droofen ohs meistens nomen-daachs onn dann dooten mir ohs ömme widde jät Neues enfalle lohse.

Der Euch, der hatt jo ömme de meiste Enfälle, ähmol soote: „Jetzt dohn me mol Sankt Martin spille.“

Die hatten dehäm en Jääs. Der Euch hollt die Jääs aus em Stall onn satt sech dropp, nohdem e sech e Bettdooch ömjeschlohn hatt. Em Jüürtel hatt esu en klääne Dolech ste'eche onn dann jeng et loss. De Wolefs Kahl, der moocht sech dann owe en de Köhholl lääje, der wor der arme Mann.

Ech hann die Jääs am Kettche jepack onn dann sein me lossjezooche. En Hoof annere klääne Pänz, die dat metkrieje hatten, die zuchen hennesch ohs her onn songen Sankt-Martins-Leede. Onn bie me du'e an de Köhholl kohmen, soht der Euch jähndie: „Nau, soot nix en de Schull, datt bleiwt ohnesch ohs.“ Bie e dann den Kahl sooch, der em Grawwe looch, hehlte

an on reef: „He du böser Wolf, sollst auch nicht leben wie ein Hund vor der Tür, hier hast du ein halbes Betttuch.“

Dur schnitte dat Bettdooch met dem klääne Dolech halev dorsch, schmess datt dem Kahl dohin, schlooch sech die anne Hälev widde ömm on dann jeng et weide de Bauseberech erop, bess op de Kranz. Von do dat Höllche widde ronne. Der Euch sohs die janze Zeit op der Jääs. Bie me widde bei denne am Stall ankohmen, steipt der Euch sech met de Hänn bei der Jääs om Rökcke av on sprong devon.

Bauf, looch die Jääs do, hat esu e Stöck de Zong eraushange, on wor kabott. Dur schmess der Euch dat haleve Bettdoch debei, on dann sein me weide spille jejange.

Owends kohm sei Motte, et Lehn, an den Stall on wollt die Jääs meleke. Do looch do e halev Bettdooch, se hatten bestömp net vill devon em Haus, onn die Jääs, die wohr kabott. Die Noopechleut vezellten dann, datt mir met der Jääs St. Martin jespillt hätten. Et Lehn kohm owens noch bei ohs, doht datt de Mamm verzelle, on sech beschwere. Batt wo'e et End vom Leed, ech wur dann jood jedröscht, awe die Jääs wor ömme noch kabott. Op jeden Fall, e paar Daach späade, steht et Lehn an de Strooß on reff: „Kutt erenn Kennesche, doot he jätt em Hoff spille.“ Die hatten su e janze klää Höffche, on bie me dann joot drenn woren, hätt et dat Pö'ezje zojeschloss. Dur hätt dat Lehn e Wöschbre'ed jehollt. Ech kann de son, dur kroochen mir St. Martin! Dur hätt datt ohs met dem Wöschbre'ed vekamesöhlt, ohs alle Mann, die me debei wohren, also den Euch, den Kahl onn mech.

Ech wo'e domols su 7 oder 8 Johe alt onn der Euch, der wo'e dann 10 oder 11, der wo'e dann och at jätt schwere. Domols wor ein Jääs schwer vill wert, se jeew Melech, se krooch Zeckelche, die konnt me broode ode vekooft, onn die

Fuchse woren jo arm bie Job. Dem Euch sei Vadde, der sooch net joot, der wo'e beim Töneschstääne Sprudel. Domols wuren fü'e dem Fölle die leddeje Flasche noch all jeroch, op Petroleum ode su jätt drenn wo'e. Do soohsen die

met 4 Mann en ähne Reih onn dooten an jede Flasch rauche, op do frömm Zeuch drenn wo'e. Die hatten jo domols noch net esun Wöschanlare bie heut, onn je no dem, bie die Flasche rochen, wuren se aussodiert.